

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Dvms.

urn:nbn:de:gbv:45:1-18303

recentes. At quam elegans est, quam bene natus? Nonne flagitium est necare tales pueros? *M.* Hic tibi adduco nutricem, domina. *T.* Mulier, tu educabis mihi, & enutries hunc puerum. Ego tibi solvam mercedem. *I.* Faciam.

SENTENTIA.

Quos Deus servare vult, eos equidem in summa pericula venire patitur, at non perire.

D V M V S. Exodi 3.

ARGUMENTVM.

Jova in dumo ardente alloquitur Mosen, eumque mittit in Ægyptum ad liberandos Israelitas ex servitute.

Moses, Jova.

Deum immortalem, quid monstri video? dumum ita ardentem, ut tamen non consumatur? Libet videre, quid hoc sit rei. *I.* Moses Moses! *M.* Quid est? *I.* Locus hic sacer est, noli accedere huc: detrahe tibi calceos de pedibus. Ego sum Deus patrum tuorum, Deus Abrahami, Deus Isaaci, Deus Jacobi. a) Vidi angustias populi mei, qui est in Ægypto, gemitum audivi, quem exprimit violentia exactorum operum. Novi labores meorum. Itaque descendi, ut eripiam eos e manibus Ægyptiorum, abducamque ex illa terra, in terram bonam & amplam, abundantem lacte, & melle, quam incolunt Cananæi, Hettei, Amorrhœi, Pherezei, Hevæi, Jebusæi. Et nunc volo mittere te ad Pha-

rao-

a) Respicit Deus miseras suorum.

raonem, quo educas populum meum, posteros Israelis, ex Ægypto. *M.* b) Quis ego sum, ut adeam Pharaonem, educamque Israelitas ex Ægypto? *I.* Adero ego tibi, atque hoc signo intelliges te esse a me missum. Cum eduxeris eos ex Ægypto, coletis Deum in hoc monte. *M.* Age sane, adivero Israelitas, dixero me missum a Deo patrum ipsorum. Quod est, dicent, nomen ejus? Hic ego qui respondeam? *I.* Ero, qui ero. Dices Israelitis: Ero misit me ad vos: dices, inquam, missum te a c) Jova Deo patrum ipsorum, Abrahami, Isaaci, & Jacobi: atque hoc esse nomen meum immortale, quo nomine volo notus esse in sempiternum. I modo convocatisque senioribus Israelitis dicito, te a me esse missum, qui tibi apparuerim, quique statuerim eos respicere liberareque calamitate, qua opprimuntur per Ægyptios, atque advehere in regionem longe omnium feracissimam. Ubi te audierint, (audient enim) adibis tu una cum senioribus Regem Ægypti, quem admonebitis nomine Dei Hebræorum, ut sinat vos procedere iter tridui per desertam, vestroque Deo sacrificare. Nec vero me latet, non permissurum, nisi vi coactum. Quare afflictabo Ægyptum miris modis, ut tandem amittat vos libens. Quin etiam ne abeatis vacui, d) ponam

C 5

nam

- b) Pii sunt sibi conscii infirmitatis suæ.
 c) Jova Hebraicum Dei nomen ductum est a futuro verbi, quod significat esse.
 d) Deus suis etiam inimicorum benevolentiam conciliat.

nam populum in gratiam cum Ægyptiis, perficiamque, ut mulieres egressuræ exorent vicinas & hospites vasa aurea & argentea, & vestem: quæ deinde imposita vestris liberis exportabitis, atque ita compilabitis Ægyptum. *M.* At enim non habebunt fidem dictis meis, negabuntque visum mihi Jovam. *I.* Quid istud est, quod tenes in manu? *M.* Virga est. *I.* Abjice humi: Quid nunc, quid est? *M.* Perii, serpens est. *I.* Ne fuge, sed prehende manu caudam ejus. Vides rursus virgam factam: ut credant tibi visum esse Jovam. Age, rursus immitte manum in finum tuum: Educ: vides tam albam lepra, quam est nix? Nunc refer in finum: Educ: vides sanam esse iterum, ut est cæterum corpus? Quod si primo signo non adducentur, ut fidem habeant tibi: at altero. Si ne duobus quidem prodigiis persuasum eis fuerit, fumes de aqua fluvii: quam ubi fuderis in terram, fiet sanguis. *M.* Quæso te Domine: neque antea eram disertus, neque nunc sum post tuum colloquium: Nam laboro titubantia oris & tarditate linguæ. *I.* e) Ecquis dedit furdum? quis videntem, aut cæcum. - An non ego is sum? I modo: ego moderabor tuæ linguæ, tibi que suggeram, quid sis dicturus. *M.* Obsecro, mitte idoneum aliquem. *I.* Enimvero odiosus es. Est tibi frater Aaron Levita, is bene disertus est, scio: qui procedit tibi obviam, teque viso lætabitur animo. Ei tu præibis verbis, quod voles;

e) Quibus mandat aliquid Deus, iis dat vires ad illud excquendum.

voles; ego vero moderabor tuo ori et ejus; præmonstraboque, quid sit vobis faciendum. Ipse alloquetur populum pro te, eritque tibi pro ore, tu ei pro Deo. Feres etiam manu istam virgam, qua edes portenta. Abi fane.

SENTENTIA.

Deus voce balborum dejecit hostes suos. Debet eloquentia servire pietati.

VITVLVS. Exodi 32.

ARGVMENTVM.

Moses pacat Jovam iratam Israelitis ob aureum vitulum, ipse pœnas illis irrogat.

Jova, Moses, Josua, Aaron. Levitæ.

Abi, descende. Jam enim depravati sunt populares tui, quos eduxisti ex Ægypto. Deflexerunt cito de via, quam docueram: duxeruntque sibi ex auro vitulum, quem adorant, cui sacrificant: dicuntque Deum esse, a quo sint educti ex Ægypto. Video fane populum esse intractabilem, & refractarium. Quamobrem sine me ut irascar, conficiamque eos, deducamque ex te gentem magnum. *M.* a) Cur exardeas ira in tuos, quos eduxisti ex Ægypto magna vi, manuque valida? b) an ut jactent Ægyptii, eductos a te malitiose, ut deleres eos in montibus ad internecionem, prorsus tolleres e medio? Quin omitte istam tuam iracundiam: atque ita ut decet, remitte

a) Pii orant pro fontibus.

b) Vult Deus etiam apud alienos, non male audire.

